

	da vodi nadležna institucija, ili pak Grad Sarajevo putem svog javnog preduzeća koji ostvaruje značajne prihode od "Trebevičke žičare". Vaša inicijativa je prosljeđena Kantonalnoj javnoj ustanovi za zaštićena prirodna područja, akt broj: 13/1-19-12-1497/22.
Odgovor dala:	Služba za investicije i komunalne poslove

9.	Ime i prezime vijećnika:	ANES KURTANOVIĆ
	Tekst pitanja/inicijative	Molim Vas za sanaciju potoka (podzemnih voda) u ulici Ablakovina do broja 27. U pitanju je nekoliko porodica a posebno je pogođena porodica Papić.
	Obrazloženje pitanja/inicijative:	Poštovani, Ovim putem vas molim da na vrijeme reagujete, dok je vrijeme stabilno, bez padavina, kako biste riješili dugogodišnji problem nekoliko porodica u ovoj ulici. Naime kada padnu malo obilnije kiše, potok nabuja i sva voda ulazi u domove mještana ove ulice. Najpogođenija jeste porodica Papić, koja mi je dostavila fotografije kao dokaz, te ću iste proslijediti vama. Voda ulazi u kuću i stvara ogromne probleme, ovoj porodici ali i još nekoliko drugih iznad i ispod iste. Porodica nije u stanju i ne može sama riješiti ovaj problem, stoga vas molim da u što kraćem roku, riješite ovaj problem. Prilog: Fotografije
	Odgovor:	Kroz ulice Ablakovina, Bostarići i Ablakovina čikma protiče Curin ili Bostarički potok koji je bujičnog karaktera i koji jednim svojim dijelom teče kanalom – sementnim jarkom formiranim uz ulicu Bostarići, a drugim kroz bašte i avlije u ulicama Ablakovina i Ablakovina čikma. Površinski tok potoka nije moguće pratiti u potpunosti pa se može pretpostaviti da je isti na pojedinim dionicama zacijevljen, i da su preko izgrađeni stambeni ili pomoćni objekti. Neadekvatna zacijevljenja, kao i izgradnja objekata na prirodnom koritu potoka uzrokuju izljevanje istog prilikom velikih padavina kada potok poprimi bujični karakter. Uzimajući u obzir naprijed navedeno, rješavanje problema koji navodite je vrlo kompleksno (ne može se riješiti u kratkom roku) i zahtjeva prethodnu izradu odgovarajućih studija i projekata, a sama realizacija je upitna zbog nepostojanja odgovarajućih recipijenata.
	Odgovor dala:	Služba za investicije i komunalne poslove

10.	Ime i prezime vijećnika:	SEJFO ŠHOVIĆ
	Tekst pitanja/inicijative	Upućujem inicijativu da se u dvorištu vrtića "Pčelica" postave zaštitne gume kako bi se obezbijedio siguran boravak djece u dvorištu. Napomena: Molim Općinsko vijeće da se izjasni o inicijativi.
		Vrtić "Pčelica" ima tri odgojne grupe koje sačinjava do 80-